



Broj predmeta: 13-000519/21
Broj akta: 01.1-1413EK-0038/21
Datum, 15.9.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-000519/21 od 28.06.2021.godine, Izmjene i dopune zapisnika o pregledu i ocjeni ponuda broj: 13-000519/21 od 24.08.2021.godine, Prijedloga Komisije za javne nabavke broj: 13-000519/21 od 25.08.2021.godine i Mišljenja Pravobranilaštva Brčko distrikta BiH broj: M-926/21 od 10.7.2021. godine, gradonačelnik Brčko distrikta BiH d o n o s i

ODLUKU O IZMJENI I DOPUNI ODLUKE O IZBORU NAJPOVOLJNIJEG PONUĐAČA

BROJ: 13-000519/21, BROJ AKTA: 01.1-1413EK-0023/21 OD 16.07.2021.GODINE

Član 1

U članu 1. Odluke o izboru najpovoljnijeg ponuđača po provedenom otvorenom postupku za javnu nabavku računara, računarske i srodne uredske opreme za potrebe Kancelarije gradonačelnika - Inspektorata, mijenja se naziv najpovoljnijeg ponuđača i vrijednost ugovora i sada tekst glasi:

„Naziv najpovoljnijeg ponuđača je: „NETWORK I“ d.o.o. Bijeljina.

Vrijednost ugovora sa uračunatim PDV-om iznosi

86.479,38 KM.“

U preostalom dijelu Odluka ostaje nepromijenjena.

Obrazloženje

U provedenom otvorenom postupku za javnu nabavku računara, računarske i srodne uredske opreme za potrebe Kancelarije gradonačelnika - Inspektorata, gradonačelnik Brčko distrikta je donio Odluku o izboru najpovoljnijeg ponuđača broj: 13-000519/21, broj akta: 01.1-1413EK-0023/21 od 16.07.2021.godine kojom je za najpovoljnijeg ponuđača izabran ponuđač „Copitrade“ d.o.o. Bijeljina. Dana 26.07.2021. godine, ponuđači su obaviješteni o donošenju odluke o izboru najpovoljnijeg ponuđača. Izabrani ponuđač „Copitrade“ d.o.o. Bijeljina je dostavio potrebnu kvalifikacionu dokumentaciju, te mu je u zakonski definisanom roku ponuđen ugovor na potpis. Dana 23.8.2021. godine, ponuđač „Copitrade“ d.o.o. Bijeljina dostavio je dopis u kome navode da nisu u mogućnosti potpisati ugovor jer nisu u mogućnosti realizovati isti zbog novonastale situacije na tržištu prouzrokovane pandemijom COVID-19. Obzirom na navedeno, Komisija je u skladu sa članom 72. stav 3) Zakona o javnim nabavkama razmotrila ponudu drugorangiranog ponuđača, „Network I“ d.o.o. Bijeljina, te ustanovila da je vrijednost drugorangirane ponude u okviru procijenjene vrijednosti nabavke i da se može nastaviti sa dodjelom ugovora drugorangiranom ponuđaču. Na osnovu naprijed navedenog, Komisija je sačinila Izmjenu i dopunu zapisnika o pregledu i ocjeni ponuda i dala preporuku da se ugovor dodijeli drugorangiranom ponuđaču u postupku nabavke, ponuđaču „Network

I" d.o.o. Bijeljina. Sastavni dio ove odluke čine Zapisnik o pregledu i ocjeni ponuda, kao i Izmjena i dopuna zapisnika o pregledu i ocjeni ponuda.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Kancelariji gradonačelnika,
Inspektoratu,
4. Gradonačelniku,
5. «Službenom glasniku Brčko distrikta BiH»,
6. Arhivi.



GRADONAČELNIK

Esed Kadrić